


PUOGAE YA MOPHATO 2

Sisi o iponela tsala e ntšhwa



SETSWANA

Maemo:

I

Buka

I



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya buka kwa godimo.

Motlotlo

- Botsa dipotso tsa tekatlhologanyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e, di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. Tlhophha ditirwana tse di lekaneng maemo a barutwana.
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeeditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa kgfa e ba letla go dira jalo.




Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeeditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Sisi o iponela tsala e ntšhwa



Sisi o ne a tlolela mo lloring. Dilo tsotlhe di ne di laisitswe mme ba ne ba ya kwa ntlong e nngwe, kwa toropong e nngwe, kwa Sisi a tlaa tsenang sekolo se sengwe.


"A o akanya gore ke tlaa itirela ditsala tse dintshwa?" Sisi a botsa mmaagwe.



Ka letsatsi la ntlha kwa sekolong
sa gagwe se sešwa, Sisi o ne a boifa
gore ga a kitla a kgon a go itirela
ditsala tse dintšhwa.

"Ga ke itse ope," a akanya. "Ke tlaa
kopa motho jang gore a nne tsala ya
me?"

O ne a gwetlha mmaagwe. "Sala
sentle mma. Ke solo fela gore ga ke
kitla ke jewa ke bodutu."



Sisi o ne a tsena mo
phaposiborutelong ya Mophato 2.
O ne a berekiwa ke mala mme pelo
ya gagwe e ne e tibatiba, tho! tho!
tho!

O ne a na le yunifomo e ntšhwa,
dibuka tse dintšhwa, mme jaanong
a na le morutabana yo mošwa! O
ne a dula mo desekeng e ntšhwa, fa
thoko ga mosimane yo mošwa yo
o bidiwang Ati. Ati o ne a na le
dingwaga di le 7.

"Ke ipotsa gore a Ati o tlāa nna
tsala ya me," a akanya.



Tshipi ya boreiki e ne ya lela mme
Ati a tabogela kwa ntle go ya go
tshameka. O ne a setse a na le
ditsala.

Sisi wa searamo o ne a ema a
phuthile diatla mme a bogela bana ba
tshameka. O ne a batla go tshameka
le bona mme o ne a inyatsa thata go
botsa. Ga go ope yo o neng a lemoga
Sisi fa a ntse a eme a le esi.

"Ke eletsa o ka re le nna nka
tshameka," a akanya.
"Ke jewa ke bodutu."

Ke eletsa o ka re le
nna nka tshameka.



Letsatsi le le latelang, ka nako ya boreiki, Sisi a bona Ineeleng a dutse a le esi mme a bonala a tlhontse.

Ineeleng o ne a sa itumela gonne o ne a lebetse go tla le lebokoso la gagwe la dijotshegare kwa sekolong. O ne a tshwerwe ke tlala. O ne a bogela Jimi le Jabu ba ja dijotshegare tsa bona.

"Ke eletsa o ka re ke ka bo ke na le sengwe sa go se ja," o ne a sebela kwa tlase.



Sisi o ne a lemoga gore Ineeleng o tlhontse thata mme ga a itumela.

"O tshwentswe ke eng Ineeleng?" ga botsa Sisi. "A o lebetse dijotshegare tsa gago kwa gae?"

"Ee," ga araba Ineeleng, "mme ke tshwerwe ke tlala thata."

"O se ka wa tshwenyega, Ineeleng," ga bua Sisi, "Ke tlaaja le wena."



Sisi a arogana dijotshegaré tsa
gagwe le Ineeleng.

"Mmm!" ga bua Ineeleng.


"Borothopate jo bo monate thata!"

"Ke a leboga, Sisi. Ke leboga molemo
wa gago," ga bua Ineeleng.

Sisi o ne a itirela tsala e ntšhwa!



Ben wa ntšwa o ne a itumetse
thata gobo Sisi a ne a na le tsala e
ntšhwa.



Ka bonako ke fa Sisi a setse a na le
ditsala tse dintsi.

O ne a itumelela go ya kwa sekolong
sa gagwe se sešwa. O ne a itumelela
go tshameka le ditsala tsa gagwe
tse dintšhwa. Go fetola dikolo ga
gagwe ga go a nna bothata jalo.

**Go itirela ditsala go bonolo
fa o le molemo e bile o le
kutlwelobotlhoko!**



Ka moo o ka itirelang ditsala ka teng



Nakonngwe go bonala go le boima go itirela ditsala tse dintšhwa. O tshwanetse go dira eng?



Tsaya kgato ya ntlhha. Ikitsitse mo bathong ba bangwe.

Tsenela ditiro tsa sekolo.





Netefatsa gore o tlhapile e bile o phepa.



Gakologelwa maina a batho.

Nna molemo.

Abelana le batho ba bangwe.



Mme fa o na le tsala e ntšhwa, tshepega, o nne boammaaruri, o tlotle batho mme o ikanyege.



Ditirwana tsa puiso ya ditlhophha



1

Lebelela ditshwantsho. Bolelela tsala ya gago gore go diragala eng mo setshwantshong sengwe le sengwe. Bolelela tsala ya gago gore ke setshwantsho sefe se se tshwanetseng go nna sa ntsha, sa bobedi le sa boraro. Dirisa ditshwantsho go go thusa go tlotlela tsala ya gago kgang e gape.



2

Bay a dipolelo tse di latelang ka tatelano e e nepagetseng, mme morago o di buisetse tsala ya gago.

- | | |
|----|--|
| a. | O gwetlha mmaagwe go mo sadisa sentle. |
| b. | Sisi o arogana dijotshegare tsa gagwe le Ineeleng. |
| c. | Sisi o dula le Ati. |
| d. | Ineeleng o tshwerwe ke tlala. |
| e. | Gompieno Sisi o ya kwa ntlong e ntshwa. |



3 Diragatsang kgang e.

Feleletsa tirwana e.



- a. Kwala mafoko a gago a le 2 a a tlaa rumisanang le a:

rekile

tlhokomela

motshegare

letsatsi

- b. Kwala pakapheti ya mafoko a:

dumedisa

tsamaya

dula

bitsa

goroga

arogana

tshameka

lebala

tlola

bua

- c. Batla mafoko a a nang le medumopuo e e latelang mo kgannyeng mme o a kwale:

ntšhw

ts

ph

th

- d. Batla dipolelo mo kgannyeng e tse di nang le matshwaopuiso a a latelang mme o di kwale:

.

,

?

!

“ ”



5 Bua ka ga kgang e:

- a. Naya setlhogo sa kgang e.
- b. Baanelwabagolo ba kgang e ke bomang?
- c. Ke goreng Sisi a ne a ya kwa sekolong se sešwa?
- d. 'Go berekwa ke mala' go kaya eng mo kgannyeng e?

- e. A o setse o kile wa utlwa o berekiwa ke mala?
- f. Ke eng o akanya gore Ineeleng o ne a le ditlhong go kopa bana gore a a ka tshameka le bona?
- g. Ben o ne a itumeletse eng.
- h. Re itse jang gore Sisi e ne e le tsala e e siameng ya ga Ineeleng?
- j. A o ka akanya ka bokhutlo jo bongwe jwa kgang e?
- k. Ke potso efe e o batlang go e botsa morutabana wa gago malebana le kgang e?



6

Thala mmepe wa tlhaloganyo gape mo bukeng ya gago ya dithutiso mme o o feleletse.

Baanelwabagolo:

Setlhogo:

Baanelwa ba bangwe:

Go diragetse
eng mo:

Matsenong:

Mmeleng:

Bokhutlong:



7

Kwala kgang ya dipolelo di le 3. Morago o thale setshwantsho sa kgang ya gago.

PUOGAE YA MOPHATO 2



Buka |

Leina kana setlhogo:	Sisi o iponela tsala e ntshwa
Puo:	Setswana
Maemo:	Padiso ya Puogae ya Mophato 2 Maemo 1 Buka 1
Mofuta wa sekwalwa:	Kanelo
Mafoko a tlwaelo:	gompieno, latelang, gago, ena, ne, kae, nngwe, tlaya, dira
Tlotlofoko:	tletse, tsamaya, ditsala, boifa, morutabana, bodutu, inyatsa, yunifomo, sebile
Medumopuo:	th, ts, oo, ng, tsh, ph, tlh, eo, ee, ea, ie, ei, ai, ou
Diteng, marel le bokgoni:	<ul style="list-style-type: none">▪ Tlhalosa ditshwantsho▪ Tlhomaganya ditshwantsho go ya ka tatelano▪ Dirisa ditshwantsho go tlotla kgang gape▪ Tlhomaganya ditiragalo go ya ka tatelano▪ Diragatsang kgang e▪ Kwala mafoko a a rumisanang a o itseng▪ Kwala pakapheti ya mafoko▪ Batla mafoko a a nang le medumopuo e: ts, ng, ph, th▪ Batla dipolelo go tswa mo kgannyeng e tse di nang le matshwaopuso a: khutlo, phegelwana, letshwaopotsa le letshwaotsiboso▪ Buisa o bo o araba dipotsa tsa tekatlhaloganyo▪ Feleletsa mmepe wa tlhaloganyo wa kgang e▪ Kwala kgang e ka mafoko a gago, dipolelo di le 3.▪ Thala setshwantsho sa kgang

CAPS e batla gore barutabana ba beele kwa thoko nako e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa', tekathlaloganyo le ditirwana tse dingwe tse di tsamaelanang go thusa morutabana go kaela puiso ya ditlhophpha mo diphaposiborutelong tsa bona.



9 781431 526758

ISBN 978-1-4315-2675-8



THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di mo Šelofong ya Puogae ya Mophato 2:



Sisi o iponela tsala e ntšhwa

Ke botshelo jwa ntšwa

Pitse e tilodi e bone methaladi jang?

Jerry o rata go buisa



Bubu o a latlhega

Ke seo ditsala di tshwanetseng go nna sona

Pidipidinyana e e maswe



Baesekele e ntšhwa ya ga Bakang

Diphologolo di ya kwa lewatleng

Wendy Leruarua o boloka botshelo